

Aug. 31. 1895.
Problema Lavinii recentiores.

1095

1095

NOWO-LACINA

II

Majoris Elias: Epigrammata rosea.

1095.

Nowo-Lacina. Litter.

Ma

1035

Biblioteka Jagiellońska



stdr0005592

M. ELIÆ MAJORIS
EPIGRAMMATA
ROSEA.

VIRO
MAGNIFICO, STRENUO,
NOBILISSIMO, AMPLISSIMO,
CONSULTISSIMO,

Dn.

REINHARTO ROSÆ
in Rosenigk, U. J. D.

Comiti Palatino Cæsareo,

S. Imperatoriæ Majestati, ut & Illustriss.
Lignicensi Duci à Consiliis;

Reipub. VRATISLAVIENSIS Syndico,
& Ducatus Pro-Cancellario;

Dn. Compatri atq; Fautori meo magnopere a-
mando atq; observando,

SALUTEM, CULTUM,
OFFICIA.



Calendas Novembres, Omnium Sanctorum nomine in pervulgatis fastis insignitas, annis aliquot proximis, solutis pariter atq; fufis pro Salute Tuâ votis, ita celebravi, uti dies illi celebrari solent, qui eorum, quos amamus, colimus, observamus, nomen, & cum nomine, anniversariam referunt memoriam. Eæ quia hoc etiam anno, Te, Vir Magnifice atq; Amplissime, vivo & bene valente, nobis illuxerunt; primum, ut fas est, Immortali Benignissimoq; Numini, pro hoc ipso, quod inter optima maxima, ego non- postremum numerare soleo, beneficio, singulares ago gratias. Deinde, quemadmodum non minus Magnificæ Amplitudini Tuæ, hanc felicitatem gratulor, quam mihi gaudeo; ita ex animi sententiâ, Eundem omnis boni fontem unicum veneror ac precor, ut hanc cæterasq; plurimas beatitudines, proprias Tibi esse jubeat. Et quia votis tempore istiusmodi fufis, donaria quandoq; adjungi solent; ego quoq; in præsens id moris observandum mihi duxi. Idq; pro sortis & fastigii mei ratione. Qui enim gemmea, aurea, argentea, nequeo offerre munera, ROSEA hæc, quæ vides, offero Epigrammata. ROSEA, inquam; non quod ita pulchra & nitida, uti illæ res sunt, quibus poëtæ inprimis, hoc annectere solent Epitheton; qualis est roseus ille Sol aut Lucifer, rosea ipsa lux aut Venus; sed quod vel de TE ROSA, vel certè ad TE ROSAM, diversis temporibus mihi scripta omnia, unico postremo excepto, quod nunc primum mitto. Ea, cuicunque sunt, boni te, Magnifice Dn. Comes, Summe Fautorum, consulere; meum inde adversus Te amorem atq; cultum cognoscere atq; amare; meaq; parvitati in posterum quoq; favere, ita cupio, ut nihil vehementius; nisi illud, ut has ipsas Calendas Novembres, plurimis adhuc annis, salvâ, & multò quam nunc est, tranquilliore Ecclesia atq; Repub., redire, omnimodè felix atq; florens videas. VRATISLAVIÆ, Calendis, quas dixi, Novembribus, Anni Christiani cxc lxxxi.

*Magnificam Tuam Amplissime.
merito colens & observans*

*M. Elias Major, Poëta Laur-Cæsar.
Gymnasij Vratislaviensis Rector & Professor,
cæterarumq; ibidem Scholarum Inspector.*



I.

EPIGRAMMA.

Ad Nobilis, Amplissimumq; Virum

Dn. Reinhartum Rosam in Rosenigk &c.

Vere Rosæ florent aliæ: sed tempore bruma
Ignavo, fructus hac rosa fert nitidos.
Si stirps è fructu rectè cognoscitur: omnes
Dicere oportebit: Hæc Rosa planta bona est.

Scriptum

Prid. Id. Decembres

Anni Christiani c15 196 XXIII.

Quo die

Donabas miseris ludi - frumenta - magistris
Indignam miserans, Syndice Magne, vicem.

II.

Ad eundem Viennam in negotio publico
abeuntem.

16. Febr.
 1625.

Letus abi (quanquam te optem, REINHARTE, manere;
Sed quia Respocit publica) letus abi.
Letus ini, celebrem domibusq; virisq; Viennam,
Magna ubi Magnanimi Cæsaris aula nitet.
Atq; ibi causam urbis nostræ, causamq; Senatus
Ferdnando coram Cæsare letus age.
Et tandem rebus perquam feliciter actis,
Nota redux Breslæ mania letus adi.
Idq; brevi fiat. Nam longo tempore, Breslæ
Hortum, fas minimè est, hacce carere ROSA.

III.

Votum.

VOTUM.

REINHARTI { Breslâ { properantis ad }
 { clarâ { versantis in } Austridos { urbem,
 { Breslam { properantis ab } { urbe,
 { urbe,

Commendata Salus sit tibi, Summe DELLs:

Reinharti, & Comitum: cuncta his defende pericla,
Ut salvi redeant incolamesq; domum.

IV.

In Reditum Legatorum VratisL.

Dnnn. Barthol. Dobschütz, Stanisl. Aich-
 heuser, & Reinharti Rosæ.

Octava ut supra decimam lux splendet Aprilis,
 Legatos recipit splendida Bresla suos.
 Omen habeto dies! Redierunt luce Valeri:
 Conserve validum splendida Bresla decus,

V.

In Quartana nomen.

Quarta, quartana febris, te hac dixit voce, videtur
 Remspectasse magis, quam numerasse dies.
 Cum tres sint Furia, furiarum es quarta catervæ:
 Quarta quidem, ast illis se vior una tribus.

18. Octob.
 1625.

VI.

Votum pro Dn, Reinharto Rosâ febriente.

Multarum vocum, verbi votum unius, instar
 Esto: Febri eripias, chare Jehova, ROSAM.

VII.

Aliud.

Vitam ejus tibi me fas commendare, dedisti
 Quem mihi patronum, Summe Patrone DELLs.
 Cum tibi votorum sit cura fidelis JOVA,
 Cura etiam fuerit Vita Salusq; ROSÆ.

A 3

VIII.

VIII.

Ad Febrem ipsam.

Quid tibi, nigra, rei est Roseo cum pectore, Diva?
Sic volo, sic jubeo, querquera Febris abi.
Fortè meum imperium rides; tamen improba abibis:
Sic fieri ipse velit, sic jubeatq; DEUS.

IX.

28. Decem.

1015.

De tribus Christi nascentis ministris.

TRes Christo nato famuli, matriq; fuere
(*Historia veteri si est adhibenda fides.*)
Primum homines, avidiq; canes edere Secundum;
Tertium at excepit janua celsa poli.
Miraris famulos? Bos primus, at alter asellus:
Curator Joseph, terius ipse fuit.

X.

Calendis Novembribus An. 1626.

Si fastis adhibenda fides vulgaribus ulla:
Omnibus est Sanctis sacra hodierna dies.
Si quoq; REINHARTUS numero est memorandus in isto;
Est Reinharto etiam sacra hodierna dies.
Hoc quoq; si constat, Juris ROSA, floride Princeps,
Nomini erit quoq; lux ista dicata tuo.
Omnia sed sita sunt, REINHARTE, licebit amicis;
Ceu tibi sacratum hunc concelebrare diem.
Sed celebrent misso, quibus hac opulentia, dono,
quale tenent clausum, cistula, cella, penus.
Præter vota, nihil mihi sors infesta reliquit.
Votis lux ansam præbeat ipsa meis.
QVOT SANCTI, in mundo vixere ab origine rerum,
QVOT vivunt nostro tempore, post QVOT erunt:
[*Est autem numerosa cohors, sic prorsus, ut omnes*
Qui numerare velit, non numerare queat.]

752

TOT BONA lucet tibi hac tribuat favor almus JOVÆ,
Porro idem servet TOT BONA Jova tibi.

XI.

Votum pro Dn. Rosâ Viennam profecto.

Jova tibi commendo ROSAM, quem Slesia rursus
FERDINANDI ad vultus Cæsaris, sire jubet.
Ad celebrem seu carpit adhuc iter Austridos urbem,
Patronum alme meum JOVA tuere ROSAM.
Seu portis hominem jam clara Vienna recepit;
Patronum alme meum JOVA tuere ROSAM.
Seu patrias cursu repetit feliciter oras,
Patronum alme meum JOVA tuere ROSAM.

17 Januarii
1627.

XII.

ROSA VRATISLAVIENSIS.

Slesidos in campis floret pulcherrimus hortus,
Præclaroq; potens nomine BRESLA nitet.
Multi ornant hortum flores, quorum inclytus oras
Et patrias, odor, & disita regna replet.
Pulchri ut sint flores: tamen omnis turba fatetur
Florum, nil quicquam pulchrius esse Rosâ.
Cuncta horto quisquis contingere lata precatur
Quomodo tam suavem non amet ille Rosam?

XIII.

In me^um Rosam.

ME Rosa latificat noster, rosa nostra molestat:
Hanc odisse, illum est unice amare juvat.
Floreto noster Rosa: sed Rosa nostra perito:
A nostro, differt quàm Rosa nostra, Rosa!

22. Nov.
1627.

XIV.

Ad Dn. D. Reinbartum Rosam.

4. Novem.
1628.

Excellens

Excellens Reinharte, pedem qui calceus istu
Vrgeat, obscurum non tibi id esse puto.
Si cum SEILERO (quod spero, atq; expeto supplex)
Attuleris, miserum me miseratus, opem:
Verè illum dixisse, ævum testabor in omne,
Qui dixit, HOMINI sæpè HOMINEM ESSE DEUM.

XV.

Votum initio anni. 1630.

DA DEUS iste tuis sit felix annus amicis:
Idemq; infelix hostibus esto tuis.

XVI.

In Timonem.

Quid mirum, vivit si tecum nemo morosè,
Cum nisi morosè vivere nullus ames?

XVII.

Sententia Gregorij in Ezechielem.

Citat Man-
tuanus l.
2. de Pati-
ent. cap. 13.

Quod fornax auro, quod ferro lima, flagellum
Quod grano, facit hoc crux homini ipsa pio.

XVIII.

Votum Christianum.

UT vitâ fruam, ut fugiam post sæcula mortem,
Christe, piè hic vivam, da, moriarq; piè.

XIX.

Ex Chrysostomi lib. 2. de Orando DEUM.

Unda quod est pisces, hoc est sancta precatio menti:
Piscis at extractus, non benè degit, aquis.

XX.

Ratio captivanda.

Sint absurda licet rationi, oracula sacra:
Mens pia crede tamen, mens pia cede DEO.

XXI.

Anagramma

Anagramma geminum.

EVA VAE. ADAM DAMA.

Vix interdicta decerpserat amore pomum,
 Præmerum Paris & Matris iniqua gula:
 Numine ad æquum ambas subito arcescente tribunal,
 VAE clamavit EVA: ut DAMA, timebat ADAM.

XXII.

*In Nominalia Dn. D. Reinhart Rosæ, &c.*1. Novem.
1630.

ET nunc & semper nobis salvetæ Calendæ,
 quæis autumnali luce November init.
 Hunc iterum illuxisse, Rosâ vivente Patrono
 Et salvo, vivus cerno valensq; diem.
 Qui nosti penitus (nam corda introspicis ipsa.)
 Hanc mihi rem summi muneris esse loco:
 Sime, siq; meos adamas, ceu diligis, isto
 Munere, JOVA, diu me patiâre frui.
 Facq; bonus, multis etiam post floreat annis,
 Vita, Valetudo, Gloria, Opesq; Rosæ.
 Pro dono hoc, & pro reliquis, DELLs optime nomen.
 Et nunc & semper, concelebrabo tuum.

XXIII. *Anagr.*

VITRUM. ULTIMUR.

EBriolos propter VITRICulpamus ABVSUM.
 Si VITRUM ULTIMUR, ut vox notat ipsa; bene est.

NB. Verbum UTOR etiam cum Accusativo constructum
 reperitur. Vide Plaut. Afin. A. 1. S. 3. vers. 47. &
 Rudent. A. 4. S. 7. vers. 15.

XXIV.

ÆTERNUM. anagr. VER MANET.

VERiget, & Maij species formosa sereni,
 Hortos, atq; omnem floribus ornat humum.

5. Maij.
1631.

O, qui,

O, qui, dum natura finit, dum tempora surgunt,
 Vernis exhilaras sensum animumq; bonus;
 Hoc scito; Ista brevi mundi spectacula peribunt:
 Pauci obeant Soles, veris obibit honor.
 Quod Paradisiacis olim degemus in hortis,
 Metai, ÆTERNUM PER MANET, absq; metu.

XXV.

In Comitivam Dn: Rosæ.

Ambulet apricâ si moles corporis athra,
 In se suscipiens Solis ab axe jubar;
 Nemo licet jubeat, nemo licet ore precetur,
 Sponte amat umbra tamen corpori adesse comes.
 Sic dum Romani Imperij Sol Cæsar, in actis
 Cunctis te lucem cernit amare, ROSA;
 Illius auspiciis, quantumvis nemo rogaret,
 Sponte tamen Comititis te comitatur honos.

XXVI.

Ad tres Fratres.

Reinhartum, Christianum, & Fridericum,
 Reinharti F. F. F. Rosas,

Si, velut in terra-nascentibus, herba virescens,
 Sperandum quid de fructibus, ipsa monet;
 Sic, quid de fructu studiorum artisq;, futuris
 Sit sperandum annis: prima juvenia monet:
 De vestris Studijs spes me optima maxima mulcet,
 O Fratres, Musis corcula chara, ROSÆ,

Lilia

Lilia pulchrè in agris florent, violaq̃, rosaq̃:

Flos studij vestri pulcrior esse potest.

JOVA, Rosis tempestates florentibus arce,

Grandire & plantas hasce subinde, sinas:

Multiplicem ut Sobolis fructu è multiplice, fru-
ctum.

Atq̃ olim, atq̃ diu, carpat uterq̃ parens.



1800
The first year of the
year 1800
The first year of the
year 1800
The first year of the
year 1800
The first year of the
year 1800





